

Fida Nyamesemka: Fankwa 19 2014
(Friday sermon – 19th September 2014 – Fante Translation)

GYEDZI NA NDWUMAPA

Ɔkrantsee tashhud, ta'awwuz na Sura Al-Fatiha wiei no, Huzur Aqdas (Ɔetseankye Nyankopon dze Ne Mboa Ɔese no ahye no dzen) kaa de:

Anohoba Mesia (ANN) aka wo beebi de:

“Wo Kur'an Ɔronkron no mu no, Nyankopon a Ɔkron no etsintsim papaye, ndzeyee tsenenee a gyedzi ka ho wo mu. Na papa, ndzeyee papa nye dzaa katasehye kakraba bi mpo nnyi mu. Kae de nyimpa ne ndzeyee biara no ewifo tu hye do- iyi nye hona nom? Iyinom nye yekyerɛ, ɔkyere de nyimpa ye biribi de amanfo nhwe; nye ahomado, a ɔkyere de mber a ɔaye biribi ewie no onya enyigye atsenka wo n'akoma mu (dem enyige a ofi nyimpa nara noho do). Na tsirmuoden biara nye bon biara a ɔye no ma ne ndzeyee nyinara see. Papa, ndzeyee pa nye dzaa mbordo a bon ye adwen kakraba biara, ahomado, anaa yekyerɛ nnyi mu, na onnsee nyimpa hon asedze.”

Huzur san so sii Anohoba Mesia (ANN) ne nsem nodo bio mu: Papa, ndzeyee pa nye dzaa mbordo a bon ye adwen kakraba biara, ahomado, anaa yekyerɛ nnyi mu, na onnsee nyimpa hon asedze.”

“De mbre nyimpa ne ndzeyee pa begye no wo atsembuda no, dem ara so na oge no wo asaase yi do,” a ɔkyere de ndzeyee papa noho hia wo asaase yi do so. Iyi kyere de mbre ndzeyee papa bema hen nsunsuando wo hen wu ekyir no, dem ara so na obema yenya nsunsuando papa wo ha yi so. Anaa iyi botum akyere de mbre yebotum enya Sor aheman onam ndzeyee pa wo hen wo ekyir no obotum ama hen abrabo aye tsede Sor aheman wo ha yi ara.

Papa, ndzeyee pa nye dzaa mbordo a bon ye adwen kakraba biara, ahomado, anaa yekyerɛ nnyi mu, na onnsee nyimpa hon asedze.”

Anohoba Mesia (ANN) aka de, “se mpo nyimpa kor mpo wo papa, ndzeyee pa wo fie mu a, dem fie no benya ahoto. Dem ntsi owo de ihu de kosi mber tsentsen a nnkoye papa no, wo gyedzi nkotsee nnkotum aboa.”

Ɔse: “Ɔwo edze w'adwen ko wo ndzeyee do wo adwen a etsintsim do nye bohye a nomu ye dzen.” Iyi kyere de owo de owo de yeye bohye a ɔkyekyer hen na no mu ye dzen. Na ɔdze gyedzi rototo dua ho no, Anohoba Mesia (ANN) ko do ka de mpo dua a odzi mu no owo de wohwe nodo yie wo ahweyie mu na wohwe do yie de mbre obeye a obeye mfaso ama nyimpa na onnkowu. Ɔwo de obi dze n'adwen ko do na ohwe do. Dem ara so, de mbre obi beye ma ne gyedzi esipi no, ndzeyee ho hia. Na obiara ne gyedzi ho hia de ɔdze ne ndzeyee obohwe do na ɔdze n'adwen akodo osiande se iyi nka ho na gyedzi wo ho, anaa eka to gua de eye gyedzinyi a, yennkotum afre no gyedzinyi (momin), nokwar gyedzinyi.

Se ndzeyee nka ho a, nyimpa tsede dua a n'nkorabata ebun no nyinara no woetwetwa egu ama nnhu no dua kor, dzaa n'eduaba nyinara no woeyi no tokyen ma apro na n'nkorabata a oma nwin a Nyankopon dze ama no so abo adasamba.

Ɔmmfa ho mbre osi a dua ne ntsen ye dzen, se ne nsa nka ndzemba a obema no ahodzen na se n'nkorabata nye n'ase no ngyina yie a, mber kakra ekyir no, dem dua no bowu. Ne ntsin n'ahodzen no nnkoye no mfaso biara. Se mpo dua no kyer kakra a, dem dua no, a onnyi nkorabata na noho mba mfaso biara, nnkotum atwe nyimpa hon adwen ako nodo.

Obiara nnyi ho a obotwa n'enyi ahwe dem dua no mpo. Obiara n'adwen boko dem dua no a oye few nodo, na obiara botwa n'enyi ahwe dem dua no a oye ahabun na orinyin prmprom a n'ahofe da edzi a, odur ne mber do a, nhyiren na n'aba ye do ma, a da oye hyew no oma nwin. Oye dua a otse dem na nkorofu pe.

Ntsi, ekyingye biara nnyi ho de, gyedzi tsede dua ne ntsen, na ekyingye nnyi ho de Muslimnyi ka to gua de me gyedzi no mu ye dzen. Yetaa hu de Muslimfo rekyere iyi na wowo enyitan soronko bi dze ma hon gyedzi. Hon mu bebiree noara na woye krado de woboko, wobokum anaa de wonkum hon wo hon gyedzi ntsi. Nde yi, yewo ekuw ahorow ebien a wabobo adze na oenya nkyekyemu pii na wowo nsem pii a woka to gua a wodze kyere hon gyedzi no mu dzen a oye na pintsin a egyina- naaso wotse de dem dua yi a oye few yi anaa wotse de trow a oye few na odze mfaso rebere wiadze yi, na nkorofu, ber a wuhu ne few no otwe hon ko ho anaa?

Kwan a etuotsewfo yi ko do dzi hon dwuma ahorow no, dem kwan nara na wiadze no so reyi hon tokyen na woroguan efi hon nkyen.

Gyedzi a Nkomhyenyi Kronkron (NNN) dze bae no dze nkunyimdzi bae ara ma nnye de otwetwe n'atamfo baa ho na odan hon anyenkofo ara nko na mbom osipi de odan hon ma wobeye ne dofo ankasa a ebotum aka de nodo no kyekyer hon.

Na Nkomhyenyi Kronkron ne nkyerkyere ne nsunsuando nye de se Muslim aban a owo beebi nya adwen bi de onkotum egyina Roman aban n'ano, na se oye adwen de bea a ohye hon nsa a hon mu pii noara ye Jewfo na Kristofo no wobegyae mu a- Ekristofo na Jewfo a wowo dem bea no bomu gya hon kwan ber a worusu na woka de wobo mpae de bea no besan abehye hon nsa bio mu de mbre obeye a wobenya mfaso efi hon dua a oma nwin na osow aba no. Akadze a hom dze maa hen no, aban biara nnyi ho a wama hen dem akadze yi da.

Wodze enyidze maa dem Muslimfo yi osiande wo hon gyedzi mu no, hon ndzeyee na dwumadzi biara no, yee mfaso.

Ne dem ntsi ano famfa a wodze da gyedzi edzi no nye dua ne ntsen a oye dzen no, nnkoye mfaso kopem ber a n'korabata ahaebun a oye papa na ndzeyee a odzi mu nye aba a dem nkorabata no bosow no nnkoda n'ahofew edzi na onnkoye mfaso mma adasamba. Na se dem ahofe na mfaso yi da edzi a obotwe wiadze no ako ho na woye ahweye wo ho na woetwa ho ehyia na wabo mbodzen de wabobo ho ban.

Iyi ntsi na Nyankopon a Okron no ahye Muslimnyi biara de mma ne gyedzi nnye dzen ara nko na mbom bea biara a woka gyedzi ho asem biara no, wobo papaye na ndzeyee a odzi mu so dzen- wo ber a ereye ma iyi nom edzidzi honho ekyir. Na de ebetsintsim dem tsebea yi wo nkorofu hon mu no, Nyankopon a Okron, suma N'akomhyefo. Wowoo dem tsebea yi wo gyedzifo hon mu ber a wonye dem mber do Nkomhyenyi no tsintsim nkitsahodzi.

De mbre maaka no, ekuw akese bi wo ho a, wonam Nyamesom na gyedzi dzin do, kyere hon ntsen n'ahoodzen naaso ebenadze na yeehu de orokodo yi? Nnye hon nkabomu tan nko na oroko sor, na kuw kor, mbre obeye a obenya tum wo nkaa no do ntsi no, oye dzaa obotum aye biara, ber a ofa kwan papa nye kwan a onnye papa do, wo nhyedo anaa ndzeyee mbordo anaa ndzeyee bon do, naaso nkorofu a wonnye Muslimfo wo wiadze yi mu no rosuru Islam onam hon ntsi.

Dem Nyamesom kuw a ogye gyedzi nkaa no nyinara too mu noara ma nkorofu a wonnye Muslimfo a woye hon ase no yee krado de wabobo hon ho ban; nde ne tsebea nye de, eben adze na ebeka afa mfonyin a wiadze fo no reye ho, nkabomu tsebea a owo Muslimfo hon nta mu mpo tsede, onam papaye na ndzeyee a odzi mu a onnyi hon ntamu ntsi no, odze mfonyi a Kur'an Kronkron no ka ho asem de: quloobuhum shatta no to gua;

Mpaepaemu wɔ hɔn akoma mu.

Nde, ɔye Ahmadiyyanyi biara n'asodzi de ɔdze nokwar mfonyin a ɔfa papaye na ndzeyee a odzi mu bɔto gua osiande wɔagye dem mber yi do Imam na Nkomhyenyi no ato mu. Osipi de Anohoba Mesia (ANN) ne Jama'at no ye dua Otumfo Nyankopon Nara edua a ne ntsen ye dzen na n'korabata ye ahaebun na ɔye few na ɔsow aba so na ɔtwe wiadze n'adwen ko nodo. Na iyi nyinara tse dem osiande Anohoba Mesia (ANN) no dze Islam nokwar nkyerɛkyere akyere hen na wɔahye hɔn dzen de yebetsietsia anamon a Fasusu a Odzi mu, Nkomhyenyi Kronkron Muhammad (NNN), sii do dua no na ɔtwee hen adwen korɔ do na ɔma mfaso a ɔye no daa edzi pefee ma hen.

Ne dem ntsi Ahmadiyya Muslim Jama'at pe na ahoodzen wɔ ne ntsen mu na n'basa so ye ahaebun na ɔye few a ɔsow aba na ɔtwe wiadze no ba ne nkyen- dem dua yi na wɔhu a, wɔ wiadze ne fa biara a, nkorɔfo bias de na eben Islam na hom reda no edzi yi?

Mfatoho pii na ɔwɔ ho a ɔnam nokwar Islam ne few a nkorɔfo rohu ntsi no, ɔye hɔn nwanwa na wonnhu asem a wonka. Wɔ Ebibir mu, wɔ bea kor bi, na worebue asɔrdan bi ano, mpata mu ho hen, a ɔye Kristonyi, so wɔtow nsa free no, ma ne dem ntsi ɔbaa bi. ɔkaa to gua de nnye adze a mebae ɔnam do a mowɔ ma hom ntsi, mebae ara de morobohwe Muslimfo kor a hom ye, wɔ dem da yi na mber yi mu, a wɔtow nsa afre obi a ɔnnye Muslimnyi na ɔye Kristonyi de ɔmbra hɔn nhyiemu a wɔdze robue hɔn asɔrdan ano. Na dem mber yi, maaba na meebohu nkorɔfo a wofi Nyamesom ahorow mu a woebehyia mu wɔ ha no, aye me nwanwa mbordo. Na Ahmadiyyafo, a hɔn ara wɔye Muslimfo, rekyere subanpa a odzi mu na ɔkron a onnyi saso. Worehyia obiara, de eye ketsekete anaa kese o, sikanyi anaa hianyi o, wɔ ɔdo na tsema mu na wɔwɔ nkitsahodzi a ɔye nwanwa na suban pa a ɔkron yi a woreda no edzi wɔ ha yi nnkotum ehu no wɔ beebiara.

Dem ɔhen yi bae na ɔkaa de asɔrdan a ɔtsetse dem yi na Islam a ɔtse dem yi na yehia no dem mber yi. Ne dem ntsi ɔkaa de n'ekyingye nye nsusue a ɔwɔ fa Islam ho nyinara no woeyi no tokyen. ɔkor do kaa de hom amma mantamu ha asɔrdan fofor nko na mbom hom ama no nkwa fofor. Hom akyere hen abrabɔ pa n'enyi do. Dem ndua a wɔtse dem yi na Kur'an Kronkron aka afa hɔnho de hɔn ntsen no ye dzen wɔ asaase no mu, na ɔnam hɔn gyedzi na papaye na ndzeyee pa ntsi no, se wɔdze nyimpa toto dua ho a, ɔno hɔn haebun na nkorabata a ɔye few tse de dzaa ɔkoka sor.

Ne dem ntsi, de mbre maako no, osiande yeagye dem mber yi do Imam no ato mu no ntsi no, ɔye Ahmadiyyanyi biara n'asodzi de wɔ ne gyedzi a ɔye dzen ho no ɔbeyee dem nkorabata ahaebun no, ɔbeyee dem ahataw ahaebun a ɔye few a ɔwɔ dua n'korabata do no, ɔbeyee nhyiren a ɔye few nye dem aba a ɔwɔ dua n'korabata nodo no a onnyi de ɔye few ara nko ma wiadze no na mbom ɔwɔ de wonya ho mfaso so. Se ɔntse dem a, ebedzi mu wɔ gyedzi mu a ndzeyee biara nka ho no nnyi mfaso biara.

De mbre maaka no dadaw no nkorɔfo a wɔ nyimpa enyido no yehu de wodzi mu wɔ gyedzi mu, anaa woda hɔnho edzi tse dem no, anaa wɔka to gua da wɔye dem no, naaso wɔbeyee ntwetwa anan mu dze ma wiadze yi mu nkorɔfo. Yebotum aye asodzi a ɔda hen do osiande ye ye Ahmadiyyafo wɔ ber a yebotum ada hɔn papaye na ndzeyee pa edzi akyere obi biara. Mber a yebeyee nkorɔfo a wɔwɔ hen akwan mu na kurow mu na man mu a wɔdze hɔn ndzeyee na papaye da Islam n'ahoofe edzi. Onnyi de ye ye nkorɔfo a wɔdze hɔnho hye basnkorabataye biara mu no, anaa nkorɔfo a wɔdze hɔnho hye kɔkonsa, ayeyaa anaa enukum mu no, dem ara so na onnyi de yebu obi enyimtsia, dem ara so na onnyi de ye ye nkorɔfo a wonnyi ehumbɔbɔr, anaa nkorɔfo a wɔye papa wie a wodzi yaw wɔ, anaa wosi atwetwe wɔ ekyir no. Osipi de ɔwɔ de ye ye nkorɔfo a wɔabɔ hɔnho ban efi dem ndzeyee bɔn yi ho. Na mbom ɔwɔ de ye ye nkorɔfo a woda subanpa a ɔkron edzi.

Kur'an Krɔnkrɔn no si do ka kyere hen de yebefa subanpa a ɔkrɔn no.

Na ye papa na ndzeyɛpa. Ebimo wo dem suban no, a ɔye hon pe wo mber tsiwaa bi mu, de wobeye obi papa, anaa wobɔboa no, naaso ekyir no, da kor bi no, wɔkae no de maaye wo dem adom yi, anaa so wɔwɔ adwen bi de dem nyimpa no, a ɔwo ahokyer mu a ohia mboa no, beye hon akowa mber nyinara. Na nyimpa na ɔwo ahokyer mu no enntum annye dzaa ɔrehwehwe efi noho a wonntwentwen do de wobema ahokyer ato no. Iyi nnye Islam nkyerɛkyere. Nyankopɔn no a ɔkrɔn no aka no wo Kur'an Krɔnkrɔn mu:

O nkorɔfoa hom agye edzi! Mma hom mmfa kasa-tuwu na damdzi nnsee hom afarɔ(2:265) Osiande ndzamba a ɔtsetse dem yi no nkorɔfo a wonnyi gyedzi wo Nyankopɔn na Atsembu da no mu na woye dem, hon a hon gyedzi mu ye mberew no, na nnye hon a hon gyedzi mu ye mber keke naaso, osipi de, hon a wonnyi gyedzi no.

Nyankopɔn a ɔkrɔn Esido bio mu, dze akyere gyedzinyi wo mbea pii wo Kur'an Krɔnkrɔn no mu, a ɔfa no ndzamba ahorow ho, de gyedzi ho no, papaye na ndzeyɛ a odzi mu hia na mfaso ahorow wo dze ma no. Ne siantsir no se gyedzinyi beye mfaso akwanya dze ma nkorɔfo ɔnam ne ne papaye na ne ndzeyɛ a odzi mu do a, ɔnoara so hu noho de oridzi duaba a ɔye dew a ofi dem papaye na ndzeyɛpa no mu no. Mfatoho nye de, Nyankopɔn a ɔkrɔn no aka afa nkorɔfo a wɔagye edzi na woye ndzeyɛpa no de dem nkorɔfo no nye hon a hon nsa beka Nyankopɔn Ne bonfakye no. Dem nkorɔfo nye hon a wɔdze Sor aheman a gwinabew no krɔn no bodwir hon do no. Wɔbɔwo trow a esutsen nam mu na esutsen no beye hon dze.

Ekyir no, Nyankopɔn a ɔkrɔn no, aka de nkorɔfo a hon gyedzi ekyir no, woye papa na ndzeyɛ pa no, wobonya akatua a ɔso na odzi mu a ɔbor wo adwendwen do. Edze w'ano famfa beda wo gyedzi edzi no mma nyimpa kor no akwanya de ne nda beka dem akatua a odzi mu yi, naaso, se papaye na ndzeyɛ dze gyedzi ekyir a, ɔno dem nyimpa no nsa beka akatua a odzi mu no na wɔdze trow no bodwir nodo na ne nsa beka Nyankopɔn Ne bonfakye no.

Ekyir no wɔaka so de hon a ka hon gyedzi ho no woye papa na ndzeyɛ pa no, Nyankopɔn dze akɔhomabɔdze noho tsew bema hon- akɔhomabɔdze a ɔye wiadze yi mu nye woekyer dze. Hon a woye papa nye ndzeyɛpa no nnkonya suro biara, wobonya asomdwee. Wonnkonya ahokyer mfi haw biara mu. Wonnkonya suro biara ama wiadze yi na wiadze a ɔbeba no wo siantsir de woenntum annye ndzeyɛ pa. Nyankopɔn a ɔkrɔn no, dze ahotɔ na botɔyemu ehyira hon akoma. Na obesi dan na woenya suro- hon nye nkorɔfo a woye papa nye ndzeyɛpa wo siantsir de wobonya Nyankopɔn N'enyigye. Mber a woye papa nye ndzeyɛpa ewie no wɔkɔdo ben Nyankopɔn a ɔkrɔn no.

Ekyir no Nyankopɔn a ɔkrɔn aka wo beebi so de:

Ampa ara de, nkorɔfo a wɔagye edzi na woye papa no- ɔdomfo Nyankopɔn no bɔbɔ ɔdo ahye hon akoma mu. (19:97)

Kasafua a ogyina ho ma ɔdo wo ha nye 'wudd' a ɔnnkyere ɔdo nye nkitsahodzi a no mu nnye dzen na mbom ɔkyere ɔdo a no mu do nye nkitsahodzi a no mu ye dzen. Osipi de nkitsahodzi a wɔreka ho asem wo ha no tsede mber a edze dua anaa dadze anaa adze bi ahye famu wo nhyedo- dem nkitsahodzi a ɔtse dem yi a nomu ye dzen na wɔreka ho asem wo ha. Dem na ɔwo de yetsintsim dem ɔdo no wo hen akoma mu. Ne dem ntsi no kyefa yi kyere de nkorɔfo a wɔwo gyedzi a no mu ye dzen na woye papa nye ndzeyɛ a odzi mu no, Nyankopɔn a ɔkrɔn no, ama dem egyedzifo no, dze ɔnoara nodɔ behye hon akoma mu tsede edze dua anaa dadze ahye famu wo nhyedo no. Wɔbɔdo Nyankopɔn wo dem kwan yi do na wɔbɔkɔdo ako kan wo hon gyedzi mu nye papaye na ndzeyɛpa mu. Anaa obotum akyere de Nyankopɔn benya dem ɔdo a onnyi ewiei ama egyedzifo no. Ne dem ntsi se Nyankopɔn no

do tsintsim wo nyimpa bi n'akoma mu wo nhye do anaa Nyankopon bodo egyedzifo wo kwan a otsede honho do etsintsim wo Nyankopon N'akoma mu a, ono woana na oye nkunyimdzyini kyen dem nyimpa no.

Dem nyimpa no beye wo nara nomu dua a oye few na oma nwin a odze mfaso bre nyimpa onam ne ndzeyee ntsi, a ofi Nyankopon Noho do ntsi, dem saso na onya akatua fi Nyankopon ho na hon so wo ye mfaso dze ma nkorofu.

Dem kyefa yi sanso kyerede Nyankopon betsintsim no dzendzenndzen, wo nkorofu a wowo gyedzi na wo ye papa nye ndzeyee pa hon akoma mu, nyimpa ho do so. Ne dem ntsi, gyedzinyi mapa nnkotum adwen de obeye ma nschwe ato nyimpa bi. Nyimpa ho do hia de mber nyinara no gyedzinyi mapa bowo adwendwen a ofa mbre osi a obeye mfaso ama nyimpa mu.

De mbre maaka no dadaw no, se dem adwendwen yi benyin na etsintsim wo wo Muslimfo mu a, ono yebesiisii obi n'asedze, yebedzi etuturasem etsia henho, yebekukum nkorofu a yehu no wo aban mu, nye nkorofu a wofre honho ekuwekue, nye nkorofu mu nona dem nda yi yehu no ntoatado no- yennkohu no bio mu. Nyankopon a Okron ne nkyerekyere no wommfa nnye edwuma koraa, ono ntsi na iyi nyinara resisi. Naaso esissem aowo ne nyinara mu nye de wo ye dem ewukadze yi nyinara wo Nyankopon a Okron ne dzin mu, ber a Nyankopon a Okron no aka de, owo yetsintsim 'wudd'- do a no mu do na no mu ye dzen a owo de etsintsim wo nyimpa n'akoma mu tse de dua anaa biribi a wodze ahye fa mu wo nhye do. Hom nye nkorofu a wo ye nyimpa hon mfaso ho akwanya.

Ne dem ntsi, se Islam nokwar nkyerekyere no yedzi do a yennkohu yaw nye ahokyer a yedze atoto honho do wo Muslimfo wiadze yi mu. Na Islam dua a oma nwin ne mfonyin no betsintsim wo nkorofu hon adwen mu wo wiadze yi mu.

Dem kyefa yi so botum akyere de wo nyimpa hon akoma mu no Muslimfo ho do ebetsintsim wo nhye do tse de wodze dua anaa biribi ahye famu wo ahoodzen do. Nyankopon a Okron no wo tum de Obeye ma iyi esi naaso de obeye ma iyi esi no wo ye no nhye de, ka gyedzi ho no owo de papaye nye ndzeyee pa so woho. De mbre maaka no, Muslimfo edzikanfo no nkorofu no doo hon- oye odo a Nyankopon dze too Kristofo nye Jewfo hon akoma mu, a na wosu ber a wuhu de Muslimfo no refi hon asaase do ako na wobo mpae de wobesan aba. Osipi de abakosem ka ma yetse de na Jewfo no ka de wo ye krado de wodze hon nkwa boto ho kyen de wobema Ekristofo asrafo no kwan ma waba hon kurow mu, hom ntsena ha na hen ara yebeye banbofo. Iyi ye ndzeyee tsenenee a Muslimfo no daa n'edzi wo gynabew biara mu a otwee wiadze no nyinara adwen ba dem dua a oye yi do na oye mfaso akwanya ma wiadze ne nsunsuando.

Nde, oye Nkomhyenyi Kronkron (NNN) n'akowa ne nkowa hon asodzi de ber a woreye hon gyedzi ntsen no dzen no wosan so ye dua n'ahataw, nkorabata na duaba a oye few a oye papaye nye ndzeyee pa a owo de otwee wiadze no ba Islam n'ahofe noho na obeye mfaso akwanya ma wiadze no.

Owo de yeye nkorofu a wodo Nyankopon a Okron no na yeye nkorofu a hen nsa beka Nyankopon noda so. Hen botae wo de oye de yebodo adasamba na owo de yetwe adasamba hon adwen ba hen do, osiande se yeannye iyi a ono yennkohye botae a onam do ma yebehen Anohoba Mesia (ANN) ne Bai'at no mu no ma. Anohoba Mesia (ANN) no atwe hen adwen egyina iyi do mpen pii wo n'akyerew mu, ne nkombodzi mu nye ne nhyiemu mu de owo de yetwe hen adwen gyina papaye na ndzeyee pa do. De yentwe hen adwen ngyina hen ndzeyee do na de yebeye papa na ndzeyee pa tse de dzaa Nyankopon a Okron no pe tse na owo de oye dzaa obegye wiadze no efi ne haw na nschwe mu.

Meedzi kan akan nyiyimu efi n'akyerewmu na sesiara merebeka nyiyim no bi efi n'akyerew no mu. Okae wo beebi de:

Nyia odze hen nkyerkyere beye n'akwankyerere wo ne ndzeyee nyinara mu wo n'ahoodzen mu no nye nyia woewura hen Jama'at no mu. Naaso nyia n'akoma ato ne yamu wo dzin a oda nodo no nko na ommfa nkyerkyere no nnye edwuma no wo de okae de Otumfo Nyankopon aye nhyehyee de obema Jama'at yi aye Jama'at soronko na obi a onnyi Jama'at yi mu wo nokwar mu no nnkotum atsena Jama'at no mu ber a dzin no da nodo keke. Onkyer mber bi reba no do, onkyer biara, de wobetsew no efi Jama'at yi ho. Ntsi, akwanya biara a oda ho no, ma wo ndzeyee nye nkyerkyere a wodze ama wo no nko ben kor mu. Ndzeyee tse de ntaban, na se ndzeyee nka ho a, nyimpa nnkotom etu enya dem sunsum m mpuntu no, na ne nsa nnkotum aka dem botaa a Nyankopon Okron no dze ato ho ama papaye na ndzeyee pa no. Nyankopon dze nyimdzii ama mboa a wowo ntaban no naaso se woammfa dem nyimdzii a Nyankopon dze ama hon no annye edwuma, wonnkotum edzi dwuma a owo de woye no. Mfatoho nye de se woo adowa (honey bee) nnyi dem nyimdzii yi a nkye onnkotum aye woo na dem ara so na aboroanoma (pigeon) so wo de odze ne nyimdzii ye edwuma, mbre wosi tuu kwan tsentsen na wodze nkraataa ko bea owo de wodze ko. Dem ara so na dem mboa a wowo ntaban yi ye ndwuma a oye nwanwa pii. Ntsi no dzaa odzikan no, ohia de nyimpa dze ne nyimdzii ye edwuma, na odwen edwuma a obeyee noho, de onye Nyankopon Nepe nye n'enyigye ko ben kor mu anaa. Se oye iyi wie, na odze ne nyimdzii ye edwuma a, na gyinabew a wodze nsa ye edwuma no so aba. Onnyi de odzi fo wo akwadwer mu na gyinabew a onkoye ahweyie mu. Nyew, owo de osi no pi de ampara nkyerkyere no dzi mu. Oto ber bi a osi de nkyerkyere no dzi mu naaso nyimpa, onam ne nkwasiasem anaa hon nnyim hwee ntsi no; anaa onam obi ne tan ntsi anaa akwankyerere bon ntsi no, obeye obi a wodaadaa no, ne dem ntsi no owo de obi biara dze adwen a no mu da ho ye nhwehwe mu.

Anohoba Mesia (ANN) rotu hen nye nkorofu nkaa no so fo.

Wo beebi fofor so okae de:

Noho hia de obi biara benya Nyankopon Noho suro na Nyankopon Noho suro beye ma ne nsa aka ndzeyee tsenenee pii. Nyimpa a osuro Nyankopon a Okron no, ono pe na oye osiande onam dem suro no ntsi no wobehyira no a obeye akwanya a obegye no efi bonye ho. Nkorofu pii ka nkorofu kuw a wofor ber a worodwen adom na enyimnyam a Nyankopon dze ama no, na wobu honho ban fi N'asobrakyew na yetrado ho. Naaso kuw bi so woho a wosuro N'asotwe. Wo nokwar mu no, nokwar nye de nyimpa a oye papa na oye nyimpa tsenenee no nye obi a Nyankopon agye ato mu de oye papa. Nkorofu pii wowo a wodaadaa honho de woye muttaki (ahotseweefo na Nyamesurofo) naaso wo nokwar mu no muttaki nye obi a wakyerew ne dzin wo Nyankopon a Okron no buukuu mu de oye muttaki. Wo dem ber no Nyankopon N'abodzin a oda edzi nye Neye a Oye Sattar (Nyia a Osie na Okata nkorofu hon mfom anaa hon akwansidze) naaso wo Atsembu Da no ber a wobeyi akatado nyinara no biribiara beda edzi. Dem mber no, yehu nkorofu pii nde tse de muttaki na ahotseweefo no naaso yebuhu hon de woye yetradofo na bondzifo. Siantsir ara nye de papaye na ndzeyee pe nnkowiei peye wo hen ara hen nsusuho na nsem mu. Wo nokwar mu no, papaye na ndzeyee pa nye dzaa basabasaye nye katasehye biara nnka ho osiande 'saleh' (papaye na ndzeyee pa) nye fasaad (katasehye) bo ebira. De mbre edziban ho tsew na odzi mu ber a wanusua no, nnye de wonnua nnwie anaa wahyew, anaa onnyi de oye dzaa oye abodze a hon tsebea wo famu, naaso owo de oye dzaa honam no botum atwe ako no mu ntsempa noara. Dem ara so no, noho hia de onnyi de basabasaye anaa katasehye wo kwan biara do no ba ndzeyee a yebotum aka de papa anaa ndzeyee pa mu. Wo kasa fofor mu no, owo de onam Nyankopon Ne mbrasem do na ekyir no owo de onam Nkomhyenyi Kronkron (NNN) ne

ndzeyee kwan do na onnyi de, bre anaa yekyere, anaa ndaadaa, anaa biribi a a obi nara esusu wo mu; se ndzeyee tsede dzaa woakyere no a ono wobotum aka de oye papaye na ndzeyee pa. Na iyi ye adze a onntaa nnsi na oso bo so.

Ekyir no orekasa afa mbre osi a bosam daadaa nyimpa na mbre osi a oko do haw egyedzifo no, na ne siantsir ntsi ohi de gyedzinyi biara bo ne gyedzi na ne papaye na ne ndzeyee pa ho ban fi bonsam ne ntuhyedo ho no, Anohoba Mesia (ANN) aka de:

Da nyinara bonsam da ho rotwoen de obotu ahye nyimpa do na woadaadaa no, na woasee no anaa woaye ma ne ndzeyee aye pryyee de mbre obeye a wo ne ndzeyee tsenene mu mpo no onya pe de obeyew no na woama no akwankyere bon.

Hazrat Khalifatul Masih (ab) san so sii asentow n'ewiei no do bio mu de, "oye bonsam nepe de obeyew na odze akwankyere bon bema ber a ereye papa anaa ndzeyee pa no." na ose mma nndwen de bonsam nnyew na omma akwankyere bon ber a obi reye ndzeyee pa.

"Na odze nhyehyee gu akwan mu de odze basabasaye bi beba. Se obi reye Sala a, obo mbodzen de odze ndaadaa adwen anaa pryye adwen bi befra n'adwen. Nyia a ogyina asor n'enyim no so, obo mbodzen de onye noso bokoko nschwe bi mu. Dem ntsi ma nnye w'adwen de nnkosuro ne ntuhyedo, osiande ne ntuhyedo wo nyimpa bonfo anaa bonyefo hon do no da edzi osiande wotse de mboa a orepere akyer; naaso onntwe noho mmfir hon a woye Nyamesomfo no hon do de onkotu ahye hon do. Na ohwehwe akwanya, wo kwan kor anaa fofor do, na otu hye hon do. Nkorofa a wowo Nyankopon N'adom ase no, na woabo hon asotwe noho nkae na wonyi kwan a bonsam fa tuhye nkorofa do no, wobo mpae sere Nyankopon a Okron no, de omboko honho ban mfi bonsam ho, naado hon a wo tsebea nndzi mu nwie na wowo mberewye tsebea mu no, otoda a woto efir a otse dem mu.

Ekyir no wo hia a ohi de ebeye ndzeyee, mbre ebese aye ndzeyee no, Anohoba Mesia (ANN) aka de:

Nyimpa dwen de oye ma no de odze ne tegyirama beka credo (kalmia) no anaa de odze ne tegyirama beka astaghfirullah- mohwehwe bonfakye fi Nyankopon ho, keke no sombo. Naaso kae de ano fanfa ndaadaa kasa no nnwie peye. Se nyimpa dze n'ano ka astaghfirullah, mpen apem, anaa okenkan tasbeeh (ebeka kasafua Alhamdulillah) Ayeyi nyinara ye Nyankopon dze mpen eduasa ebiasa; Subhanallah (Okronkron nye Nyankopon) mpen eduasa ebiasa; na Allah-u-Akbar (Nyankopon ye Kese sen adze nyinara) mpen eduasa anan a ne nyinara no ye mpen oha a, mfaso biara nnkofi mu aba, osiande Nyankopon aye nyimpa nyimpa na Woyanne no ekoo. Iyi wo ekoo ne su mu de oko do dze ne tegyirama sisi dede biara otse do wo ber a onntse biribiara ase. Nyimpa n'asodzi nye de biribiara a odze n'ano beka no, owo de oka ber a woadwen ho ewie na owo de odzi dwuma tsede dzaa woaka no.

Adze biara a ereka no, dwen ho yie, na ekyir no fakonye do so.

Naaso se oko do kasa tsede ekoo a ono kae de edze wo tegyirama besisi nsem do no nntwe nhyira biara gyede na kopem mber a w'akoma nnyi no nko ben kor mu na ndzeyee a ebeye no nnye dzaa aka no so nnkoko ben kor mu- kopem dem mber no dem nsem no nyinara wobefa no de oye kasa keke na adzepa anaa nhyira biara nnyi mu osiande iynom ye kasafua a woaka no keke kansa oye Kur'an Kronkron no mu nsem anaa Istighfar.

Dzaa Nyankopon pe nye ndzeyee, iyi ntsi na, mpen pii, Wohaye hen de yenyee papa nye ndzeyee pa. Kopem de erennkoye iyi no nnkotum aben Nyankopon. Nkwasiafo bi ka de yeewie Kur'an no nyinara n'akenkan wo dakor pe mu naaso obi mbisa hon de eben mfaso na hom nyaa fi iyi mu. Edze wo tegyirama yee edwuma na egyaa wo honam nkaa no a woannye hwee ber a Nyankopon a Okron no aye iynom nyinara de yedze beye biribi. Iyi ntsi na woetsintsim wo ahadith (Nsem a Nkomhyenyi Kronkron (NNN) kae) de nkorofa bi kenkan Kur'an no na Kur'an no paa hon osiande n'akenkan a wokenkan no ye no mu nsem a

worekan keke na ndzeyee a ofa ne nkyerekyere ho biara nnka ho. Nyimpa a wammfa Nyankopon ne ahyedze annye edwuma no, odzi Sunsum mu Kasa noho few, osiande ebekenkan Ne kasafua no nnye dza ope. Ope dwumadzi na ndzeyee.

Na osan so ka de:

Kae no yie de edze ano fanfa besisi nsem do no nnkoye mfaso kopem ber a ndzeyee bedzi dem kasa a waka n'ekyir na nsa na nan nye honam afa a aka no wammfa nnye papa nye ndzeyee. Tsede wodze Kur'an Kronkron no sanee no, Nyankopon gyee mboa fi Ekyirdzifo no ho; anaa wodwen de owie peye de wodze hon tegyirama bekenkan Kur'an Kronkron no anaa wodwen de edze ne nkyerekyere no boko nyee do no hia? Wokyeree bu nye nokwardzi na wogyee to mu de wonye hon mbo afar tsede anyemboa na wodze dzaa wodze maa hon no nyinara ma hon, na wohyee hon enyimnyam na wosombo ma Nyankopon wo kwan bi do, na kosi pen bi a, onnye sumasem ma obiara.

Anohoba Mesia (ANN) no aka de se ewope de enya Nyankopon N'adom nye ne nhyira a ono ye biribi, na se onntse dem a woboto wo akyen de adze gyan bi.

Anohoba Mesia (ANN) no aka de obi biara nnyi ho a obotow sika koko anaa silva anaa adzepa bi akyen efi ne fie, na mbom ohwe dem ndzamba nodo yie na odze sie. Naaso se ohu ekura a woewu wo ne fie a ohwe na otow kyen ntsem noara ansaana woye biribiara. Iyi nye kwan a Otumfo Nyankopon dze twe ben Noho, Ne nkowa, na oma hon nkwa tsentsen, na odze nhyira ba hon edwuma do, na Omma hon nnsie, dem ara so na Omma wonnwu wo enyinguase kwan do.

Se oye wope de Nyankopon a Okron no boso wo mu dzen na asombo ama no a, ono ohia de ebeye tseneneenyi de mbre obeye a ebosombo wo Nyankopon N'adwen mu.

Hon a wosuro Nyankopon na wodzi Ne mbrasem do no Nyankopon dze nsonsonee dwir hon do a otsew hon fi nkaa no honho. Iyi nye sumasem a okyerere mbre osi a nyimpa botum enya nhyira efi Nyankopon ho de obobo noho ban efi bon ho. Bea biara dem nyimpa no tse no woma no bu onam ndzeyee a ofi noho ba ntsi, onye ehiafo dzi no yie, owo ehumbobor ma hon a onye hon tse, onnye basabasa biara, ommfa asem a onnye nokwar nnto obi nodo, anaa onndzi adanse krumu, naaso mbom otsew n'akoma ho na mber nyinara dan Nyankopon na wonyim no de oye Nyankopon Ne nyenko.

Anohoba Mesia (ANN) aka de se epe de eye Nyankopon Ne nyenko a onnda fa mu, naaso oye dzen osiande eboto enya iyi no owo nyimpa no to bon kyen, na oyi adwen bon nye akono fi ho, na iyi ye adze a oye dzen yie. De ebeyi suban mu mberewye na eyi bon tokyen no tum ye adze a oye dzen paa. Nyimpa kumfo botum egyaa nyimpa kum na ewi so botum egyaa ewi ye naaso de obi a owo suban bon beyi ebufuw efi ho no ye adze a oye dzen anaa de nyimpa a oye ahantan begyaa ahantan bra no ye dwumadzi a oye dzen. Osiande obu nkorofu enyimtsia na ohu noho de noho wo mfaso. Naaso oye nokwar de obi a, onam Nyankopon Ne keseye ntsi no, oye noho kakraba na obi noho nnyi mfaso no, Otumfo Nyankopon Nara ye no kese. Kae iyi yie de obi biara nnyi ho a obotum aye kese kopem mber a onnkoye noho kakraba nye obi a noho nnyi mfaso. Iyi ye akwanya a onam do ma kandzea san nyimpa n'akoma do na wotwe no ben Nyankopon. Nyankopon N'anyenkofo no nyinara a waba wiadze yi mu no, a nde nyimpa pii ama hon gyinabew a odzi mu no, wobuu honho de wosua na honho nnyi mfaso nkyen aboa patakow mpo na ne nsunsuando nye de, Nyankopon N'adom esan hon do, na wodze dem gyinabew a okron a wofata no esan hon do. Ahantan, pepereye, ahomado na dza okoka ho nye suban bon no wo Nyankopon Ne mbataho wo hon fa bi ne dem ntsi na obi a odze noho ahye dem suban bon ahorow yi mu no nnkotu enya ne kyefa efi Nyankopon N'adom mu na mber nyinara no woyi no tokyen no. Dzaa onye iyi bo ebira nye de hanyi a oye ahobrase nya Nyankopon N'ehumbobor.

Ekyir no Anohoba Mesia (ANN) kaa kyereɛ nyimpa ebiasa a wɔayɛ Bai'at mber bi de: Aye Bai'at ewie no, nyimpa no nnyi de ɔgye dzi nko de Kuw yi ye nokwar na ɔndwen de enya dem adwen no beyema enya nhyira.

Anohoba Mesia (ANN) aka de ebekyere wo gyedzi keke no hwee nnsi kopem mber a papaye na ndzeyee pa nnkodzi ekyir. Dem mber yi a ewura Kuw yi mu no, bo mbodze de ebeye tseneneenyi, ye muttaqi, bo woho ban fi bon biara ho, twa dem mber yi wo mpaebo mu, see w'anedwo na nda wo nkotosere mu. Se nsɔhwɛ ber do a, Nyankopɔn N'asotwe so sɔɛr, na dem mber no ɔwo edze woho hye mpaebo nye afarbo na ekasa wo kasa a ɔda famu na edze bonfakye ne nhwehwɛ ye wo su, na bo mpaee a no mu ye dzen wo wo mpen enum dakor mpaebo no mu. Edze wo gyedzi boto gua ara keke noho nnyi mfaso mma nyimpa.

Se nyimpa gye nokwar no to mu na ekyir no ɔtow kyen beebi na ne were fir a, onnya mfaso biara mmfi mu. Ono de ebowinwin de Bai'at no ammfafa mfaso biara aba no nnkenya ngyinado biara osiande Nyankopɔn Kokroko N'enyi nngye nsemkaa ho keke.

Anohoba Mesia (ANN) no rotwe adwen ako subanpa nye ndzeyeeɛpa ne nyee do no, ɔkaa de: hom ntse ase de hom ye

- Translated by: 1. Mr. Alhassan Kobina Atta-Wenchie
(Tutor in English Language, Jamiatul Mubashireen, Ghana)
2. Maulvi Alhassan Bashir Annan Sahib
(Tutor, Jamiatul Mubashireen, Ghana)
3. Rasheed Possible Essuman Sahib
(Final Year Student, Jamiatul Mubashireen, Ghana)
4. Hafiz Naseem Ahmad Nyame Sahib
(Composer, Second Year Student, Jamiatul Mubashireen, Ghana)

Downloaded from: www.jamiatulmubashireen.org
Contact: www.jamiatulmubashireen.org/contact-us